

Meeqqat namminneq erinaataat

Erik Lyhne-mit

Erinnat nipilersuutit qitillugit tusarnaarlugillu nuannersuupput. Aamma nammineq nipilersorlugit nuannersuupput aamma erinnat nipilersuutit ataatsimoorutigalugit nuannersuupput.

Meeqqat taalliorput, erinarsorput, rytmilersuipput, aalapput – naatsumik oqaatigalugu ineriartornerminni pinnguaataannut atalluinnarsimavoq erinnatigut silarsuaat.

Kisianni sooq erinnat atorlugit sulissaagut?

Ilaatigut isumassarsiatsialaasarpoq imminut aperissalluni:

Sunaana erinnani nipilersuutini taama pingaartigisoq? Uanga nammineq erinnat nipilersuutit atorlugit suna misigisarpara? *Uanga* suna ingerlateqqikkusuppara?

Nalunngilarput sorpassuit ineriartortinneqarsinnaasut erinnat nipilersuutit atorlugit (atuakkat innersuussat ilaa atuaruk), kisianni meeraq aperigukku sooq nipilersornersoq erinarsornerlorlu, amerlanertigut akissaaq: Nuannersuugami!

Soorunami aamma tamanna meeqqamut pissutigissallugu naammappoq, kisianni inersimasumut naammattuaannanngilaq. Sivitsuleraangat peqatigiinnerup isumassarsiaa, isumaa ilusaaluunniit nanisinnaanngikkaangamikku nuannersutut isigiunnaartarpaat.

Inersimasut nipilersoriaatsinik nuannarisaaqarajuttarput, misilittakkakalu malillugit amerlanerit ajornartorsiutigisarpaat meeqqat nipilersuutit atorlugit pinnguartarnerisa pitsaaqutaat, ilisimasaqarfigeriingikkunikku.

Meeqqat titartaanerinit assersuukkaanni inersimasunut nuannersuusarpoq marlunnik-pingasunik ukiullit titartagaat, taakkummi nalunngilaat iliuitsip meeqqat piginnaaneqalersittaraat ilikkagaqartillugit qaattuusaqarluni titartaanermi tunngaviususaaq.

Tassa ilisimasaq aamma pisariaqartinneqartoq meeqqat peqatigalugit nipilersuutinik erinniornissami meeqqallu "nipilersuutinik titartaanerini" nuannisaqatigalugit.

Meeqqap nipilersornikkut ineriartornerani nipilersuutinik pinnguaatit annikitsut kikkut tamarmik nuannersutut isigineq ajorpaat. Inersimasorpasuit takorluugaqartarput nipilersuutip suuneranik, taamaalillutillu meeqqat nipilersuutinik misileraanerannik mattussisarput puigorlutilluunniit.

Taamaattorli inersimasut namminneq nuannaralugu nipilersorpata peqataasut tamarmik nipilersuutinik nuannersumik misigisaqassapput. Taanna inersimasup nipilersuutinik nuannarisaaqarneranit ingerlateqqinneqartarpoq.

Nipilersorneq taamatut ilageeqatigiinnissamut isigineqarpat eqqumiitsuliatut angujuminaatsutut isigineqarani meeqqat inersimasullu akornanni killit peerutissapput, ilinniartitsisoq atuartorlu, taamatullu soriarsinnaanginnermik misigineq peerneqassaaq, susinnaanngitsutut misigisimaneq imaluunniit pikkorippallaanngitsutut misigisimaneq.

Meeqqat erinarsuutaat – erinarsuutit meeqqanut

Meeqqat erinarsoqatogigaanni nalinginnaanerpaavoq erinarsuutit inersimasunit sanaat atornerqartarneri, inersimasup isumaa malillugu meeqqat soqutigisaanik imallit. Aamma erinaat inersimasunit sanaajusarput, taamaattumik taallaat, erinaat imminnullu tulluaataat ataqatigiisusarlutik inersimasunillu imaaliallaannaq atornerqarsinnaallutik. Uagut inersimasut ileqquinik ingerlatitseqqiisarpugut ileqqusut malillugit erinarsuutip taallatigut, nipitigut, tulluassutsikkullu sunik imaqarneranik aalajangiisuulluta.

Inersimasut meeqqanut erinarsuusiaat atorlugit annerusumik meeqqat atoqqiinissamut erinnanik nipilersuutit oqaatsit oqaatiginiakkatullu atornissaaninngarnit ilinniartittarpavut, oqaatiginiakkani allatut oqaatigineqarsinnaangitsuni.

Meeqqat pinngortitsisinnaanerannik suliaqarnermi namminneq oqariaasiat pitsaanerpaasarpoq, amerlanertigullu meeqqat nipilersornikkut oqariaaseqartarput ingerlateqqitassamik.

Meeqqat suaarutaat

Meeqqat oqariartaasiannut assersuutaavoq namminneq suaarutaat, oqaatsit nipaannik rytmiannillu pinnguarnerni. Amerlanerutilluni suaarutit nuannernerusarput, tassami misigisimanartarmat ataatsimoorluni ataatsimik rytmilimmi suartaraanni. Inersimasutut

imminut periarfissittariaqarputit meeqqat rytmiannut ilaanissannut! *Erinarsoqataagit!* ·
Pattaateqataagit! Imminut akueriit illup imaluunniit pinnguartarfiup aatsaat taamatut
pisoqarfiuneranut. 10 sekundinik imaluunniit kvarterimik sivissusseqarsinnaavoq aamma
erinarsuut suarutaasorluunniit nipinik oqaatsinilluunniit ikittuinnarnik imaqarsinnaavoq,
kisianni tamarmik peqataapput, *swingerpugut*, piffissaq atorunnaarluni inuullutali.
Taamatut pisoqarfinni ataatsimooqatigiinneq aatsaat timip rytmiatigut, nipikkut
rytmeqatigiinnikkullu anguneqarsinnaasarpoq.

Meeqqat nipilersornerlu sullikkusukkukkit anguniagassaavoq taamatut pisoqarfiusut
sivitsorsarnissaat.

Meeqqat inersimasullu ataatsimoorussamik erinarsuutaannik assersuutit

Go' da' hej hop

Ullaajuvoq Astrid uangalu meeraaqqerivimmukarpugut. Ulloq nuannersuovoq
isumagissaarpugullu. Astrid sikkilip aquani issiavoq, aallalissallutalu nipaatumik
erinarsulerpoq. *Meeraaqqerivinnut nuannersumut Go' da'*. Meeraaqqerivimmut pinissaminut
qilanaarpoq.

Erinarsuutini arlaleriarlugu uterpaa ilikkarnissaanut. Taava erinarsoqatigiilerpugut. Qanoq
ilinngitsoq erinarsorfigilerpara *taava aajuna Astrid sikkilimini aggertoq*. Aamma oqaaseqatigiit
taakku marluk arlaleriarluta erinarsorpavut la la la-tarlutalu. Taava ilivitsumik
erinarsuuteqalerpugut, kisianni suli iluseqanngilaq.

Meeraaqqerivimmut apuukkatta Astrid-ip erinarsuutini atorussupaa, allamillu kinguneqanngilaq
nalunaquttap akunnera ataaseq ilivitsumik erinarsoratta, taallalersuilluta nassaartuillutalu
erinarsuummi atorsinnaasunik.

Meeqqat qanoq meeraaqqerivimmut apuussimanersut erinarsuutigaarput, tamarmillu
pereeratsigit maanna erinarsuutigaarput sulerinersut – erinarsornerisut, tumerparpaarnersut,
inuusalerinersut, biilerarnersut.....

Meeraaqqerivik qalaarpoq, assut nuannapput, kinguneratigullu erinarsuut meeraaqqeriviup
erinarsuutigilerpaa.

Tamatuma kingorna versi siulleg allamik taalliorpara sumiiffinni allani erinarsuut
atorneqarsinnaanngorlugu, kisianni aallaavia sumillu pinngornerisut taannaajuarpog.

Assut tamannuat

Meeqqat ukioqatigiikkuutaat akulerussimaffianni (pingasuniit 14-ninut ukiulinnut) nipilersorneq
pillugu annertuumik aallussisimapput. Meeqqat anginerit nipilersortartuliorsimapput,
erinarsuutiliortarlutillu. Ullut ilaanni nipilersortartuniit niviarsiaqqat marluk erinarsuummut
nutaamut versiliorsimapput. Nipilersoqatigiinni meeqqat allat perorsaasorlu qiimmatsapput
taallioqataalerlutillu, aamma namminneq taallaq erinniorpaat.

Qitippugut, erinarsorpugut, nipilersorpugut
aamma ilagiippugut tamannalu nuannaraarput

Assut tamannuat

Tamarmik peqataasinnaapput

Taamaattumik ingerlaannarit!

Nipilersortartut erinarsuummi allassimasutut inuttaqarpoq, tassa kikkulluunniit tamarmik
peqataasinnaapput. Ilaanni sisamaasarput ilaannilu qaliusinnaallutik.

Taqussat

Niviarsiaqqat marluk arfineq-pingasunik ukiullit suna nererusunnerlugu sunalu
nereqqammerlugu erinarsorput. Erinarsuut utertagaqarpoq marlunnillu versimi titarneqarluni.
Erinarsuut swingimut rappertunullu eqqaanarpoq imaallunilu:

Wa ba ba du ba wa ba du

Qallersugartoqqammivunga tingulialimmik

Wa ba ba du ba wa ba du

aammami agurkitaqarput

Wa ba ba du ba wa ba du

Nutella-mik qallersukkamik nereqqammerpunga

Wa ba ba du ba wa ba du

punnermillu taninneqarsimalluni
Wa ba ba du ba wa ba du

Inersimasup oqaqissaarinera tusarsaanngajapporluunniit, Nutella-mik qallersorsimatillugu - punnilertoqarneq ajormat.

Taamaalillutik niiviarsiaqqat ulluinnarminnik erinarsuut atorlugu oqaluttuarput, misigisimasaminnillu.

Inneq

Piffissap sivisuup ingerlanerani børnehavimi nipilersortarpugut, aammali blindebukkertarluta aamma nanoq sinippooq (pinnguaatillu allarpassuit).

Ullut ilaani meeqqat ammalortunngorneranni meeraq ataaseq qeqqaniippoq inniusaarluni. Inneq ikummaraangat nikuittassaaq allanillu tigusiniarluni. Pinnguaat arlalippassuariarluta pinnguarterparput ineritikkiartorlugulu.

Meeqqat ilaat suaartarlutik aallartipput: *Innerup tigusinnaanngilaatigut, Innerup tigunginnaanngilaatigut*, allallu suaartarput: *Øv Bøv Inneq, øv bøv inneq* imaluunniit *Lone inniuvoq, Lone-p tigusinnaanngilaatigut* (tamarmik aura Laura erinarsuummi atorlugu). Suli pinnguaq ineriartortinneqarpoq, imaalillugu inniusoq sequnngerluni ilani pisariniassavai. Meeqqat Nanoq sinippoq-mit blindebukkertunillu nammineq pinnguaasiirput erinarsuusiorlutillu.

Oqaatsit tulluuttut, erinarsuutit aamma tusagassiuutit

Meeqqat piffissaq tamaat taalliortarput, inuunermilu ingerlanerani pinnguaatitik taalliortarpaat sunut tamanut tulluussarlugit.

Meeqqat ukioqatigiikkuutaat akulerusimaffianni (pingasuniit 14-nik ukiulinnut) nukappiaqqat arfineq-sisamiit aqqaneq-marlunnik ukiullit ikaartaatit nunarsuarmi tusaamasat Ask aamma Urd erinarsuutigaat. Taamaalinerani tusagassiuutit naqitat silaannakkoortullu ikaartaatit pillugit oqaluttuanik ulikkarput. Ilutigalugu Krummip erinarsuutaa assut sivisuumik nuannarineqarsimavoq nukappiaqqallu anginerit qatsutilersimavaat atorujumajunnaarlugulu. Piffissami kingullermi erinarsuut allanik taallalersortalersimavaat.

Ullormi tassani Krummip erinarsuutaani taallat siulliit ima nipeqalersimapput:

Ask Urd-lu pigissallugit nuanneeqaat

Erinarsuut atorneqartarpoq arlaleriarujussuarluni, taava anginerit animmata pinnguariatlutik mikinerit suli erinarsuutaasa akisuanerat tusaasinnaavarput.

Nalunaaqquttap akunneri arlallit qaangiummata mikinerit ilaasa erinarsuut uteqqinnialerpaa, kisiannili eqqaamasinnaanagu. Imatullu nipeqalerpoq:

Ask Urd-lu pigissallugit kamannaqaat

Malugineqarsinnaavoq nammineerluni tusaasinnaasaanik ajortoqartoq, tassami erinarsuutaa versimut tulluannilaq. Misileqattaalaariarluni nammineerluni una versi ineritippaa:

Ask Urd-lu Kurtip paarai

Tassa pinngortitsisinnaaneq eqqarsaatqarsinnaanerlu pitsaanerpaagaangata!

Meeqqat namminneerlutik erinarsuusiortarnerat suaartarnerallu ukiuni kingullerni TV 2-p pilerisaarutaanit sunnerneqarsimapput.

Tamakku erinnaaqqat tusaajuminartut meeqqat nipilersornikkut oqaasiinut akulikitsunik ilanngunneqartalersimapput, ilaannakuullutik imaluunniit erinnat ilivitsunngorlugit.

Ukioq ullut ilaanni nukappiaqqat anginerit meeqquerivimmeersut atuarfimmiit takkuppet erinarsorlutik:

Suna pitsaanerpaaq nalunngiliuk (bum bum)
BR-mit pinngussat

Ullup aappassaa taallioqqissimapput
Soqqusaanak nalunngiliuk (bum bum)
GK-mi pisiarissallugit

Ullullu pingajussaani ima nipeqarpoq
Superleg-mi pisiguit
sianiissimaqaatit

Meeqqat versi akuerisaasoq aallartitsissutigaa, taalliorlutilli ilaartorpaat pinnguaarniarfiit allat juullip tungaanut pilerisaarutaat ilanngussorlugit.

Aamma taama sukkatigisumik grand prix-mi unamminermi erinarsuutit pineqartarput. Ukioq mannaasit erinaq Danmarkimi ajugaasoq meeqqani pineqanngilaq. Erinnamit tassannga ajugaasumit taallanik tusanngilanga. Akerlianilli Kjeld-ip Hilda-llu erinaataat meeqqanit tiguneqarluarsimavoq – *Soqutigissanngilarput*. Naalannginerulaartut ima taalliorsimavaat *Soqutiginagu anarparput* ullullu aappassaanni ullup-qeqqasiornermi immummik perusunnermi atornerqartarluni *Immuk qaaguk maannakkut*.

Meeqqat nipilersuutitik tusagassiorfinniit atorusutatik atortarpaat erinarsuutillu namminneq taalliorlugit. Taakku oqariartaatit immaqa pinnguarneranneersuupput, imaluunniit tulluarsarlugu immummik tunineqarnissamut atortarlugu. Aamma meeqqat naalanngitsunik taalliortarput imminnut unammillutik inersimasunit sammeqqusaarlutik.

Taava qanoq iliorsinnaavugut??

Una allaaserisaq naggaserlugu naqissuserusuppara - uagut inersimasut meeqqerisutut angajoqqaatullu aallaavigissagatsigu meeqqat pinngortitserusunnerat eqqarsarsinnaanerallu. Uani apeqqutaasoq tassa maluginiakkatta piviusunngortittarnissaat. Isigut siutigullu pitsaasumik atortariaqarpavut meeqqat sulerineri iliuusissatsinnut paasiniarlugit. Meeqqat erinarsuutit oqaaseqatigiit imminnut tulluartut allallu ineriatickiartuaartarpaat. Inuuneq meeqqanut uninnganngilaq. Tamanna inersimasunut atuukkajuttarpoq pilersaarutit malinniarninerini meeqqallu nipilersoqatiginerini iliuutsit aalajangersimasut atornerini. Arlaanik pisoqartillugu nipilersoqataanissaq pinnguaqataanissaq piareersimaffigineqassapput sapaatip akunneranut pilersaarutit avataasigut.

Atuakkat atukkat:

Erik Lyhne, Michael Madsen aamma Karen Rønne: NIPILERSORIT – meeqqat, nipilersorneq aalanerillu pillugit. Forlaget Lyren 1990.

Jon-Roar Bjørkvold: Inuk nipilersullaqqissoq. Hans Reitzels Forlag 1992.

Esben Jerlang(red): Meeqqap ineriartornera - ataasiusoq. Munksgaard 1991.

Erik Lyhne, Michael Madsen og Karen Rønne: Meeqqat erinarsuutaat nuannersoq. Lyren 1992.

Saqqummersinneqartoq saqqummersittakkami 0-14 1992.

Erik Lyhne 2004